



Inatsisartunut ilaasortaq Jess Svane, Siumut
Inatsisartut Allattoqarfiat
/Maani

Ilulissani unnuisarfinni ilaasunik Air Greenlandip inissiisarnera pillugu § 37 naapertorlugu apeqqummut nr. 2021/114-imut akissut.

30-08-2021

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

Asasara Jess Svane,

Ingerlatseqatigiiffinnut Namminersorlutik Oqartussanit pigineqartut ilaannut ataatsimut ingerlatsinermut suliaasaqarfik pillugu Inatsisartut suleriaasianni § 37 naapertorlugu Naalakkersuisunut apeqquteqarputit. Apeqqutigisatit uannit akisassanngortinneqarsimapput.

Apeqqutigineqartut sammisanut Air Greenlandip akisussaassuseqarneranut aalajangiisinnaassuseqarneranullu piginnaatitaanerinit innersuussimmata ingerlatseqatigiiffiup aqutsisuinut akissutissanik pissarsiniartoqarsimavoq.

Apeqqutigineqartut ima oqaasertaqarput:

- 1. Ukioq kingulleq sila teknikikkulluunniit ajutoornerit pissutigalugit ilaasunik aallanngitsoortunik Air Greenlandi qasseriarluni Hotel Arctikkimi unnuisitsisariaqarsimava?**
 - a. Ilaasut qassit tassani pineqarpat?**

§ 37 naapertorlugu apeqqutigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

"Angalanermut pilersaarutip allanngornerata malitsigisaanik Air Greenlandip ilaasui 5367-it Hotel Arcticimi 1. august 2020-mit 31 juli 2021-mut inissinneqarsimapput taakkunanngalu katillugit 4040-t Hotel Arcticimi unnuisimapput.

Taassuma saniatigut piffissami tassani ilaasullu amerlasussaasa taamaaqataasa missaat Ilulissanni unnuisarfinni allani unnuinerit 750-it inniminnerneqarsimapput.”

2. Qulaani eqqaaneqartuni kinguaattoortoqarnerani qanoq akulikitsigisumik Air Greenland Ilulissani hotelinik allanik atuisarpa?

§ 37 naapertorlugu apeqqtigineqartut akiniarneranni tassunga atugassanik Air Greenland A/S-mit akissutissanik pissarsiniartoqarsimavoq, imaattunillu akissuteqarpoq:

”Allanngortoqarneranut atatillugu Air Greenlandip nammineq akunnittarfiutini Ilulissani Hotel Arctic aallaavittut atortarpaa. Piffissami tassani akunnittarfimmi inissaqanngippat, illoqarfimmi akunnittarfiit allat atorineqartarput.

Air Greenlandimut tamatigut pingaaruteqartuaannassaaq, ataatsimut isigalugu suliffeqarfissuarmut atuinissamut pitsaanerpaamik periarfissiisooq akunnittarfik atussallugu, uanilu suliffeqarfissuup nammineq akunnittaarfuitaanik toqqaaneq soorunami pissusissamisoornerpaavoq, naggataatigullu aamma qulakkiissavaa, allanngortoqarnerani unnuinermut aningaasartuutit tulluurtumik qaffasissuseqartinnissaat.”

Naggataatigut oqaatigineqarsinnaavoq, Covid-19-imik nappaalanersuaqarnerani pisortanit tapiissutinik imaluunniit ikiorsiissutinik Hotel Arctic pisinnaatitaanikuunngimmat, pissutigerpiarlugu Air Greenland Namminersorlutik Oqartussat aktianik ingerlatseqatigiiffiutigimmassuk.

Takornarianit ataatsimiigiartunillu isertitaqanngitsoornerup malitsigisaanik ikiorsiissutinillu pisinnaannginnermut ataqatigiissillugu Hotel Arctic ataatsimut isigalugu 2020-mi 9,5 mio. kr.-nik amigartooruteqartoq Air Greenlandip paasissutissiissutigaa. Taamaattorli akunnittarfiit ammatinnissaat suliffeqarfissuup toqqarpaa, taamaalillunilu 2020 tamakkerlugu 2021-milu sulisut 48-t suliffissaqartillugit.

Inussiarnersumik inuulluaqqusillunga



Múte Bourup Egede